

schen zu machen eingegeben schöne Schlag- Gang- vnd materialische Uhrwerck: Ist nach dem supremo Gubernatori, Directori, Regierer vnd Führer aller ding auff Erden/den himlischen Liechtern/Zeichen vnd Planeten / auch seinem heiligen Wort/sampt andern nüsslichen Ordinanzten/ Statuten vnd Befehlen der weltlichen Christlichen Oberkeit/ der rechte Principal, Moderator, Regierer vnd Führer des menschlichen Lebens / vnd desselben ganzen Handels vnd Wandels.

Das siebende Capitel.

Von etlichen Stücken / so dem Uhrwerck anhengig vnd verwandt / vnd desselben Gebrauch vnd Nutzen.

Solte ich nun handeln vnd schreiben von den andern dem Uhrwerck anhängigen Automatabus, vnd auch selbst gehenden Wercken / als dem vnrühigen Uhrwecker / dem Mondschein / dem Lauff der Sonnen durch die zwölff himlische Zeichen im Dodecatemorio: Als den Wider / Stier / Zwilling / Krebs / Löw / Jungfraw / Wage / Scorpion / Schüz / Steinbock / Wassermann vnd Fisch. Item / der sieben Planeten Lauff vnd Gang / als des Saturni, Martis, Jovis, Veneris, Mercurii, Solis vnd Lunæ. Item zu letzt des nüsslichen Braters vnd Bratenwenders / hilff Gott / was für herrliche Gaben vnd Nutzen / würden wir auch im menschlichen Leben allhie sehen vnd greiffen mögen / wollen aber solches nur ein wenig andeuten.

I.

Uhrenweckers Nutz im Uhrwerck.

Des Uhrweckers können sich mit grossem Nutzen gebrauchen/

S ij

brauchen/